

Ժողովուրդ

137
(2803)

3 հոկտեմբերի երեքշաբթի 2023
տպագրության ԺԲ տարի

Է. Երեան, Արմլուր 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՀՌՈՄԻ ՄՏԱՏՈՒՄԵՆ ՈՒ ԴՐԱ ՂԵՏԵՎԱՆՔՆԵՐԸ




Այսօր մեկնարկելու է ԱԺ ութերորդ գումարման վեցերորդ նստաշրջանի առաջին նիստը: Նիստի օրակարգում ներառված է 18 հարց: Վերջերս ամենաշատ քննարկված Հռոմի ստատուտի հարցը օրակարգում 14-րդն է: Ամենայն հավանականությամբ, այս հարցը հենց նիստերի առաջին օրն էլ կքննարկվի, սակայն կընդունվի, թե ոչ, պարզ կդառնա քվեարկությունից հետո: ՔՊ-ի այս քայլը արվում է նրա համար, որ հակառուսական տրամադրությունները քաղաքացիների շրջանում ավելի ամրապնդվեն: Նիկոլ Փաշինյանը ամեն հնարավոր եղանակով ասում է. «Այդ գործընթացը ամենեւին էլ կապված չէ ՀՀ-ՌԴ հարաբերությունների հետ, կապված է սահմանային լարվածությունների հետ»: Թեև, ըստ Փաշինյանի, այն կապված չէ ՀՀ-ՌԴ հարաբերությունների հետ, սակայն ռուսական կողմը շատ կոշտ է արձագանքել՝ այն համարելով «տոքսիկ որոշում»: Հիշեցնենք, որ ՌԴ նախագահի մամուլի քարտուղար Պետկովը հայտարարել էր, որ այս նախագծի ընդունումը ամենաբացասական հետեւանքները կունենա երկկողմ հարաբերությունների վրա: Մինչ այդ Միջազգային իրավական հարցերով Հայաստանի ներկայացուցիչ Եղիշե Կիրակոսյանը հայտարարեց, որ սա ենթադրում է երկկողմ համաձայնագրի ստորագրում, որը հնարավորություն է տալիս որոշակի երաշխիքներ ստեղծել այն անհանգստությունների համար, որոնք որոշ գործընկեր պետություններ կարող են ունենալ: Տեքստը ներկայացվել է ամիսներ առաջ, սպասում են գործընկերների առաջարկին: Իշխանությունները, այս քայլին գնալով, չեն մտածում, որ Հայաստանը առերեսությամբ մեծ կախվածության մեջ է Ռուսաստանից, այսինքն՝ յուրաքանչյուր ոլորտում կա ռուսական դրոշմ գազ, էլեկտրաէներգիա, ռուսական ընկերություններ, որոնցից գոյանում է նաեւ ՀՀ բյուջեի որոշակի մասը: Կա նաեւ հայկական սփյուռք ՌԴ-ում: Ռուսական կողմի սպառնալիքները, թե ամեն բան վատ կլինի, եթե ընդունվի Հռոմի ստատուտի մասին նախագիծը, կարող է գործել, եւ մի քանի օրվա ընթացքում ռուսական կողմը Հայաստանին կարող է գրկել եւ՝ գազամատակարարումից, եւ՝ էլեկտրաէներգիայից: Այսինքն՝ իշխանությունները կրկին չեն գիտակցում, թե ինչ է կատարվելու եւս մեկ սխալ որոշումից հետո, կրկին մտադրված քայլեր են անում Հայաստանի վաղեմի բարեկամներին վանելու հարցում եւ փորձում են բարեկամություն հաստատել երկրի հետ, որի հետ կապերը խզել ենք. վառ օրինակ են հարաբերությունները եւ դիվանագիտական կապերը, որոնք ստեղծվում են Հունգարիայի հետ:

«Ժողովուրդ» օրաթերթի տեղեկություններով՝ չնայած ավագանու ընտրություններում կրած պարտությունից հետո իշխող «Քաղաքացիական պայմանագիր» խմբակցության ներսում ծանր ու տխուր իրավիճակ էր ստեղծվել, իշխանականները տեսական ժամանակ խորը հիասթափության մեջ էին, բայց ինչպես իշխանական մեր աղբյուրներն են փոխանցում, ՔՊ-ականների «սրտից մի մեծ քար է ընկել», քանի որ կարողացել են իրենց հարցերը կարգավորել: Այսպիսով, ինչպես հայտնի է, հոկտեմբերի 10-ին Երեանի Նորընտիր ավագանու առաջին նիստը պետք է տեղի ունենա, որի ժամանակ էլ քաղաքացիները պետք է ընտրվի, որը, մեծ հավանականությամբ, կլինի հենց Ավինյանը: Ավագանու նիստը տեղի կունենա այն դեպքում, եթե նիստին ներկա լինի ավագանու 33 անդամ: «Քաղաքացիական պայմանագիր» եւ «Հանրապետություն» կուսակցությունները միասին ունեն 32 անդամ. այսպիսով, եթե մյուս երեք ուժերից անգամ մեկ ներկայացուցիչ ներկա լինի նիստին, ապա նիստը կկայանա: Նախկին քաղաքապետ Հայկ Մարությանի գլխավորած «Ազգային առաջընթաց» կուսակցությունը եւ ԱԺ նախկին պատգամավոր Անդրանիկ Թեւանյանի «Մայր Հայաստան» դաշինքը հայտարարել են, որ այդ օրը չեն մասնակցելու նիստին, որպեսզի չվերհասնեն չապահովվել, նիստը չկայանա, եւ նոր ընտրությունների գնան. այժմ որոշում կայացնողը «Հանրային ձայն»-ն է: «Ժողովուրդ» օրաթերթի տեղեկություններով մի քանի օր բանակցելուց հետո ՔՊ-ին հաջողվել է համաձայնության գալ «Հանրային ձայն» կուսակցության հետ եւ նրանցից մեկ ձայն «կորզել»: Այսպիսով, հոկտեմբերի 10-ին կայանալիք ավագանու նիստին, բացի իշխանությունից եւ մերձիշխանական դիրքերից հանդես եկող «Հանրապետություն» կուսակցությունից, ներկա կլինի «Հանրային ձայն»-ից մեկ ներկայացուցիչ, որպեսզի այդ օրը նիստին քվեարկում ապահովվեն: Եթե նիստը կայանում է, եւ որպես քաղաքացիներ առաջարկվում է միայն 1 թեկնածու, ապա այս դեպքում անհրաժեշտ կլինի, որ նրա օգտին քվեարկի ավագանու 40 տոկոսից ավելին: Ավագանու նորընտիր ցանկը հաստատված է, այն ունի 65 անդամ: Այսպիսով, եթե առաջարկվի միայն 1 թեկնածու, ապա 27 կողմ անգամ բավարար կլինի քաղաքացիները ընտրելու համար: Ստացվում է՝ եթե «Հանրային ձայն»-ից մեկ հոգի էլ այդ օրը ներկա լինի ավագանու նիստին, եւ նիստը կայանա, ապա ՔՊ-ն եւ «Հանրապետություն»-ը, առանց որեւէ խնդրի, կարող են ընտրել Տիգրան Ավինյանին: «Հանրային ձայն» կուսակցությունը թեւեւ վերջնական որոշման մասին չի հայտարարել, բայց կուսակցության առաջնորդ Վարդան Դուկասյանը երեկ հայտարարություն տարածեց, թե Երեանի ավագանու ընտրությունների երկրորդ փուլ թույլ տալ չի կարելի այս իրավիճակում, ավելին՝ հայտարարեց, որ նախընտրում է ավելի, որ Մարությանի եւ Թեւանյանի ուժերը չամրապնդվեն, քան թե Ավինյանը չվերարտադրվի: Նրա այս հայտարարությունը, թերեւս, հաստատում է մեր տեղեկությունները:



Հ Հ իշխանությունները անասելի վախեցած են Արցախի հանձնման գործընթացից հետո սպասվող զարգացումներից: Դրան պատրաստվելու համար նախ տարածում են կեղծ նարատիվներ, թե արցախցիներին, որոնք դուրս կգան փողոց, պետք է գրկել օգնություն ստանալու հնարավորությունից: Ապա նաեւ անձնական ինքնապաշտպանությամբ են զբաղված: «Ժողովուրդ» օրաթերթի լրագրողը ֆիքսեց, որ ՀՀ վարչապետի աշխատակազմի ղեկավար Արայիկ Հարությունյանը շրջում է ծառայողական ավտոմեքենայով, որի վրա ոչ թե կառավարական համարանիշներ են, այլ օպերատիվ: Նա օպերատիվ համարանիշներով քողարկում է իր ուժ լինելը, որպեսզի Արարատ Միրզոյանի ծեծի դառն օրինակն իրեն չսպառնա: Իսկ որ իշխանությունները սպասում են այդպիսի ցասման, միանշանակ է:

2 022 թվականի դեկտեմբերի 1-ին հայտարարություն եղավ այն մասին, որ Հայաստանն ու Հունգարիան վերսկսում են դիվանագիտական հարաբերությունները: Հայաստանի եւ Հունգարիայի միջեւ դիվանագիտական հարաբերությունները, Հայաստանի ազգային անվտանգության խորհրդի որոշմամբ, կասեցվել են 2012 թվականից՝ 2004-ին Հունգարիայում հայ լեյտենանտ Գուրգեն Մարգարյանի սպանության համար դատապարտված Ռամիլ Սաֆարովի՝ Ադրբեջան արտահանձնումից հետո: Եվ, ահա, «Ժողովուրդ» օրաթերթը տեղեկացավ որ այս հայտարարությունից գրեթե մեկ տարի անց այս մասով նաեւ ՀՀ ԱԺ-ում է գործընթաց սկսվել: Մասնավորապես, ԱԺ-ում ստեղծվում է Հայաստան-Հունգարիա բարեկամական խումբ: Այս խմբի անդամները հաստատվել են, սակայն կազմված են միայն իշխանական պատգամավորներից: Խմբի ղեկավարը Հռիփսիմե Գրիգորյանն է, անդամներն են Արսեն Թորոսյանը, Գայանե Եղիազարյանը, Միքայել Թումասյանը, Մարիա Կարապետյանը: Ընդդիմությունը ներկայացված չէ Հայաստան-Հունգարիա բարեկամական խմբում:



ՆԱԽԱՔՆՆՈՒԹՅՈՒՆ

ՄԵՂԱԳՐԱՆՔ Է ՆԵՐԿԱՅԱՑՎԵԼ ՏՆՕՐԵՆԻՆ

«Տողովուրդ» օրաթերթի սեղեկություններով ավարտվել է «Սյունիքի սարածաբանական շրջանային դեղատնային կենտրոնի» ՊՈԱԿ-ի սֆորտինգ կողմից դաշնակազմի անփութություն, դաշնակազմի կենտրոնի կազմակերպության և իրեն վստահված գույքը հավաքակետով դեղատնային առթիվ նախաձեռնված ֆրեզերային վարույթի նախաձեռնությունը:



ՀՀ քննչական կոմիտեի Սյունիքի մարզային քննչական վարչությունում իրականացված նախաքննությամբ ձեռք բերված փաստական տվյալներով՝ հիմնավորվել է, որ «Սյունիքի տարածաշրջանային պետական քոլեջ» ՊՈԱԿ-ի տնօրենը, 2014թ.-ից զբաղեցնելով հիշյալ պաշտոնը, իր ծառայողական պարտականությունների կատարման նկատմամբ դրսևորել է անբարեխիղճ և անփութ վերաբերմունք՝ անզգուշությամբ էական վնաս պատճառելով կազմակերպության և պետության օրինական շահերին, ինչպես նաև պաշտոնական շրջանառության ենթակա փաստաթղթերում ներառելով կեղծ տեղեկություններ՝ հափշտակել է իրեն վստահված գույքը:

սանողների ուսումը շարունակելու հիմք են հանդիսացել, որոնց հիման վրա՝ փաստացի դասընթացներին չմասնակցած և համապատասխան գիտելիքներ չստացած ուսանողներին հնարավորություն է տրվել փոխադրվել հաջորդ կուրս:

Մասնավորապես, հիշյալ ՊՈԱԿ-ի տնօրենը իր պարտականությունների կատարման նկատմամբ անբարեխիղճ և անփութ վերաբերմունքի հետևանքով պատշաճ հսկողություն չի իրականացրել դասախոսների և ուսանողների՝ սահմանված կարգին համապատասխան գործելու նկատմամբ, ինչի պայմաններում 2014-2015թթ. ուսումնական տարվա դասամատյանում՝ ՀՀ-ից դուրս գտնվող երկու ուսանողի անվան դիմաց՝ «առաջադիմությունների և հաճախումների ընթացիկ հաշվառում» էջերի գրառումներում, չեն գրանցվել վերջիններիս՝ մի քանի ամիսների բացակայությունները, դասամատյանում նշանակվել են կեղծ գնահատականներ, նշանակվել են ստուգարքներ և քննություններ:

Բացի այդ, «Սյունիքի տարածաշրջանային պետական քոլեջ» ՊՈԱԿ-ի տնօրենը 2014-2019թթ. ընթացքում որպես վարորդներ աշխատանքի է ընդունել 5 անձի, որոնց ամրակցել է կազմակերպության հաշվեկշռում հաշվառված, «ՎԱԶ-2106» մակնիշի ավտոմեքենան: Այնուհետև հիշյալ ավտոմեքենայի երթուղային թերթերում և վառելիքի պահանջագրերում, նույն կազմակերպության տնտեսվարի հետ նախնական համաձայնությամբ, վերջինիս կողմից ակնհայտ կեղծ տեղեկություններ են ներառվել ավտոմեքենան շահագործելու պատրվակով 9971 լիտր բենզինի օգտագործման վերաբերյալ, և այդ կեղծված փաստաթղթերը հաստատվել են տնօրենի կողմից:

ՈՒՇԱԳՐԱԿ

ԿԱՍԿԱԾՎՈՒՄ Է ԱՆԵՐՉԱԳԸ

2023թ. սեպտեմբերի 30-ին՝ ժամը 21:02-ին, Բաղաբազում հաղորդում է ստացվել այն մասին, որ Բրոջ նախկին ամուսինը, զսնվելով ոչ սքափ վիճակում, դառնալով փորձել է հարձակվել իր վրա, ինչից հետո ինքը խողովակով հարվածներ է հասցրել նրա մարմնի սարքեր հասվածներին, այդ թվում՝ գլխին: Նույն օրը՝ ժամը 21:57-ին, հաղորդում է ստացվել նաև «Արմենիա» բժշկական կենտրոնից այն մասին, որ Բրոջի անվան խումբը Երևանի Կոնդի փողոց 37 սանմոնից, «դոկտորական» ախտորոշմամբ, իրենց մոտ բուժօգնության է սեղանախել Երևան Բաղաբազում ֆակուլտետի 43-ամյա սղանաբու, որը որոշ ժամանակ անց, գիտակցության չգալով, մահացել է:

անհետաձգելի գործողությունների արդյունքում պարզվել են տղամարդու՝ կյանքի հետ անհամատեղելի մարմնական վնասվածքներ ստանալու նախնական մի շարք հանգամանքներ:

Դեպքի առթիվ ՀՀ քննչական կոմիտեի ԵԶԶԿ Կենտրոն և Նորք-Մարաշ վարչական շրջանների քննչական երրորդ բաժնում, ՀՀ քրեական օրենսգրքի 155-րդ հոդվածի 1-ին մասի հատկանիշներով, նախաձեռնվել է քրեական վարույթ: Իրականացված քննչական և վարույթային

Մասնավորապես՝ դեպքի օրը ենթադրյալ հանցագործություն կատարած անձի՝ Երեան քաղաքի 28-ամյա բնակչի և տուժողի միջև անձնական հարցերի շուրջ վիճաբանություն է տեղի ունեցել, որի ընթացքում վերջինս, նախնական տվյալներով, գտնվելով ակտիվ ազդեցության տակ, դանակով հարձակվել է երիտասարդի վրա:

թյուն կատարելու անմիջականորեն ծագած հիմնավոր կասկածի հիմքով:

Նախաքննության ընթացքում վերջինիս մասնակցությամբ կատարվել է դեպքի վայրի զննություն, որի ժամանակ նա մատնացուց է արել դեպքի վայրը, ներկայացրել վարույթի համար էական նշանակություն ունեցող մանրամասներ: Ջննության ընթացքում հայտնաբերվել են վերցվել են հանցագործության գործիք հանդիսացող երկաթյա խողովակը, տուժողի մոտ եղած դանակը, կատարվել են նմուշառումներ:

Վերջինս, ի պատասխան, գետնից վերցրել է երկաթյա խողովակ և հարվածել տուժողի գլխին և մարմնին, ինչի հետևանքով տղամարդը վայր է ընկել, որից հետո փորձել է ոտքի կազնել, սակայն երիտասարդը ոտքով հրել է վերջինիս, և նա կրկին ընկել է գետնին:

Տուժողի մարմնական վնասվածքների բնույթը, ծանրության աստիճանը, առաջացման մեխանիզմը և մի շարք այլ հանգամանքներ պարզելու նպատակով նշանակվել է դիակի դատաբժշկական փորձաքննություն, հարցաքննվել են վկաներ: Նախաքննությունը շարունակվում է: Ձեռնարկվում են միջոցառումներ՝ դեպքի բոլոր հանգամանքները պարզելու, ցուցմունքներում մատնանշված հանգամանքները ստուգելու ուղղությամբ: Ոստիկանության համապատասխան ստորաբաժանումն արվել է հանձնարարություն:

ԿԱՐԵՎՈՐ

ԽՈՒՄԱՓՈՒՄ ԵՆ

«Տողովուրդ» օրաթերթին հայտնի դարձավ, որ Սամվել Բալդրյանին մեղադրանք է առաջադրվել այն բանի համար, որ նա, հանդիսանալով պահեստազորի առաջին խմբի առաջին կարգում հաշվառված շարքային կազմի պահեստազորային, կոչումով շարքային, պատշաճ ծանուցված լինելով տարածքային ստորաբաժանում ներկայանալու մասին, վարժական հավաքներին մասնակցելու նպատակով չի ներկայացրել Տավուշի մարզի թիվ 2 տարածքային ստորաբաժանում և չի մեկնել վարժական հավաքի:

ՀԱՐՎԱԾ՝ ԳԼԽԻՆ

Սեպտեմբերի 30-ին՝ ժամը 21:00-ին, ոստիկանության օպերատիվ կառավարման կենտրոն գանգահարած քաղաքացին հայտնել է, որ Կոնդի տներից մեկում իր նախկին փեսան դանակով հարձակվել է իր վրա, և ինքը պաշտպանվելով խողովակով հարվածել է նրա մարմնի տարբեր մասերին, նաև՝ գլխին: Հաղորդումը փոխանցվել է ոստիկանության Կենտրոնական բաժնի, որտեղից օպերատիվ խումբ է մեկնել նշված հասցե: Մարմնական վնասվածքներ ստացած և անգիտակից վիճակում գտնվող 43-ամյա նախկին փեսային շտապօգնության խումբը տեղափոխել է «Արմենիա» բժշկական կենտրոն, իսկ ահազանգողը՝ Սիսիանի բնակիչ 28-ամյա երիտասարդը, ժամը 21:45-ին, սպասություն կատարելու հիմնավոր կասկածանքով, ձերբակալվել և տեղափոխվել է Կենտրոնական բաժնի: Ժամը 22:45-ին հիվանդանոցից ստացվել է հաղորդում, որ 43-ամյա տղամարդը, գիտակցության չգալով, մահացել է: Նախապատրաստված փաստաթղթերը փոխանցվել են քննչական բաժնի: Հանգամանքները քննությամբ պարզվում են:

ԽՈՒՐԳԱՆՈՒԹՅՈՒՆ ԵՎ ԳԱՆԱԿԱՐԱՐՈՒԹՅՈՒՆ

Սեպտեմբերի 30-ին՝ ժամը 3.20-ին, «Վաղարշապատ» բժշկական կենտրոնից ոստիկանության Վաղարշապատի բաժնի ստացվել է հաղորդում, որ դանակահարված վիճակում բուժօգնության է ընդունվել Բաղրամյան գյուղի բնակիչ 34-ամյա մի երիտասարդ:

Մեկնած օպերատիվ խումբը պարզել է, որ ահազանգից մոտ 20 րոպե առաջ երիտասարդը դանակահարվել է Երեան-Էջմիածին ճանապարհին գտնվող գիշերային ակումբի տարածքում: Բաժնի քրեական հետախույզների ձեռնարկած օպերատիվ-հետախույզական միջոցառումների արդյունքում պարզվել է, որ գիշերային ակումբում կենցաղային հարցի շուրջ վիճաբանություն է ծագել տուժածի, նրա 18 ու 19 տարեկան համագյուղացիների և Այգեշատ գյուղի բնակիչ, 23-ամյա երիտասարդի ու նրա ընկերոջ միջև: Դրսում վիճաբանությունը վերաճել է ծեծկռուտի, որի ընթացքում խաթարվել է ակումբի բնականոն աշխատանքը, կոպիտ կերպով խախտվել է հասարակական կարգը: Ծեծկռուտի ժամանակ էլ 23-ամյա այգեշատցին իր մոտ եղած դանակով հարվածներ է հասցրել 34-ամյա բաղրամյանցուն ու դիմել փախուստի: Հետագա միջոցառումների և բացատրական աշխատանքի արդյունքում նույն օրը դանակահարող կամավոր ներկայացել է ոստիկանության Վաղարշապատի բաժնի և խոստովանել արարքը: Նա և նախապատրաստված փաստաթղթերն ուղարկվել են Վաղարշապատի քննչական բաժնի: Հանգամանքները քննությամբ պարզվում են:

● Ըստ ոստիկանության տվյալների՝ սեպտեմբերի 29-ից հոկտեմբերի 2-ը Հայաստանի Հանրապետությունում բացահայտվել է հանցագործության 118 դեպք, որոնցից 9-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԳ

ՔՆՆԱՐԿՈՒՄԸ ՀԵՏԱԶԳՎԵԼ Է

Բերդ համայնքում օգտակար հանածոների արդյունահանման նպատակով երկրաբանական ուսումնասիրության աշխատանքների իրականացման մասին լուրը անհանգստություն է առաջացրել համայնքի բնակիչների մեջ: Բերդցիները դեմ են իրենց համայնքում երկրաբանական հետազոտություններին, դրանից հետո՝ մետաղական հանքավայրի շահագործմանը: Նրանք մտավախություն ունեն, որ բաց եղանակով հանքավայրի շահագործումը խնդիրներ կստեղծի շրջակա միջավայրի համար, կաղտոտի սարերից սկիզբ առնող խմելու ջրաղբյուրները: Սեպտեմբերի 28-ին Բերդ քաղաքի մշակույթի տանը նախատեսված էր հանրային քննարկում, սակայն, Բերդ համայնքի ղեկավար Աստղիկ Յակոբյանին ուղղված «Լեռնամետալուրգիայի ինստիտուտ» ՓԲԸ-ի գլխավոր տնօրեն Սահակ Կարապետյանի դիմումի հիման վրա, այն հետաձգվել է: Դիմումի մեջ, մասնավորապես, նշված է. «Հաշվի առնելով վերջին օրերին Արցախի Հանրապետության բնակչության զանգվածային տեղահանության ֆոնին Հայաստանի Հանրապետությունում ստեղծված բարդ իրավիճակը, ինչպես նաև նպատակ ունենալով ապահովել «Լեռնամետալուրգիայի ինստիտուտ» ՓԲ ընկերության ներկայացուցիչների պատշաճ մասնակցությունը ՀՀ Տավուշի մարզի Բերդ խոշորացված համայնքի վարչական սահմաններում գտնվող Տավուշ-խնձորուտ հանքային դաշտի տարածքում որպես ընդերքի տեղամասում օգտակար հանածոների արդյունահանման նպատակով երկրաբանական ուսումնասիրության աշխատանքների իրականացման ծրագրի վերաբերյալ կազմակերպվող հանրային քննարկմանը (լսումներին)՝ խնդրում ենք հետաձգել 28.09.2023թ. ժամը 16:00-ին Բերդ համայնքի Ժիրայր Անանյանի անվան մշակույթի տանը կայանալիք հանրային բաց քննարկումը»: «Լեռնամետալուրգիայի ինստիտուտ» ՓԲԸ-ն հայտնել է, որ հանրային քննարկման անցկացման օրվա եմ ժամի մասին նախապես կտեղեկացնի:

ԿՈՎԵՐ ԵՆ ԳՈՂԱՑԵԼ, ՄՈՐԹԵԼ

Սեպտեմբերի 29-ին անասնազոոություն է կատարվել Նոյեմբերյան համայնքի Ջուջեան գյուղում: Ջուջեանի վարչական ղեկավար Համբարձում Պետրոսյանը հայտնեց, որ այդ օրը՝ ցերեկով, միջպետական ավտոճանապարհի եզրին գտնվող արտավայրում անհայտ անձինք մորթել են գյուղի բնակիչ Արմեն Հարությունյանի կովը, տեղում թափել կովի փորոտիքը եւ մտեղիքը գողացել: Նոյեմբերյան համայնքի Կողբ գյուղի վարչական ղեկավար Արարատ Թամրազյանից տեղեկացանք, որ սեպտեմբերի 1-ին 30-ի գիշերը Կողբ գյուղի ծայրամասում գտնվող «Պողոսի հող» տեղանքից գողացել են Կողբի բնակիչ Հմայակ Աբովյանի կովը: Անասնազոոերը Նույն ձեռագրով են գործել, անասունը մորթել, փորոտիքը թափել, մտեղիքը տարել են: Տավուշի մարզի Նոյեմբերյան համայնքում նախկինում նման եղանակով անասնազոոություններ չեն եղել: Դա կարող է նշանակել, որ գողերը այլ մարզերի բնակիչներ են:

ՈՍԿԱՆ ՍԱՐԳՅԱՆ Տավուշ

ՄԱՆՐԱՄԱՍՆԵՐ

ՄԱՐԴԿԱՅԻՆ ՊԱՏՄՈՒԹՅՈՒՆՆԵՐ՝ ԱՐՑԱԽԻՑ

Երեկ՝ վաղ առավոտից, «Արցախ-բանկ»-ի մոտ հերթեր էին գոյացել մարդիկ կտրոնք քաշել եւ սղասում էին, թե իրենց հերթը երբ կհասնի, որպեսզի հասկանան՝ ինչպես են կարողանալու սահմալ բանկում թողած իրենց հասանելի գումարը կամ ավանդը:

Բնակիչներից մի քանիսի հետ խոսելիս հասկացանք, որ շատերը մալու տեղ անգամ չուներ, եւ դա կապված է ոչ թե գյուղում կամ քաղաքում ապրելու նախապայմանի, այլ առաջարկված պայմանների հետ: «Ժողովուրդ» օրաթերթը փորձեց հասկանալ, թե ինչ պայմաններ են առաջարկվում արցախից տեղահանված մեր հայրենակիցներին, որոնց նրանք չեն համաձայնում:

Տիկին Արմինեն եկել էր Մարտակերտի շրջանից, ամուսնու հետ սպասում էին իրենց հերթին՝ հասկանալու համար, թե արդյոք կարող են բանկից վերցնել իրենց հասանելիք ավանդը, որն իրենց անունով չէր, այլ տատիկի, որը բավականին ծեր է, եւ վերջին դեպքերից ելնելով՝ անգամ տեղաշարժվել չի կարող: Մտահոգ սպասում էր իր հերթին՝ վստահ լինելով, որ բանկից առանց որեւէ բանի դուրս է գալու կամ էլ լավագույն դեպքում ասելու են. «Ձեր անունով չէ, տատիկին բերեք»: «Եկել ենք Մարտակերտի շրջանից, տուն-տեղ, ամեն բան թողել եկել ենք: Ներկա պահին անգամ մալու տեղ չունենք, հիմա էլ սպասում եմ իմ հերթին, տեսնեմ ինչ կասեն: Ավանդը մեր տատիկի անունով է. եթե ասեն իրեն բեր, չգիտեմ ոնց բերեմ, էդքան ապրումներից հետո անգամ նորմալ խոսել չի կարողանում, դժվարանում է անգամ քայլել:



Առանձնապես հույս էլ չունեմ, որ ինչ-որ բան կլինի», -ասաց տիկին Արմինեն: Իսկ տիկին Անահիտը լուռ ու մտահոգ սպասում էր՝ հասկանալու համար, թե, բանկից եղած իրենց հասանելիքից բացի, ոնց պիտի տուն գտնեն. «Ես եկել եմ Ասկերանի շրջանից, ներկա պահին ապրում ենք ամուսնուս ընկերոջ տանը: Մեզ տարել են, Աբովյանի ինչ-որ գիշերօթիկի տարածք են առաջարկում, որտեղ սանհանգույցը եւ շատ այլ ուրիշ բաներ ընդհանուր են: Ամուսինս առողջական խնդիրներ ունի. եթե անգամ ես էլ կարողանամ, նա հաստատ չի կարողանա: Առավոտից ոնց հերթ կանգնի էդպես հիվանդ, որ մի բանից կարողանա օգտվի:

Ես համաձայն եմ՝ թող գյուղում լինի, վերանորոգված էլ չլինի, թեթեւ ապրելու պայմաններ լինեն: Տան գները 250.000-ից են սկսվում, մենք էլ թոշակով ապրող մարդիկ ենք, ո՞նց տանք էդքան գումար: Գոնե հասկանանք՝ որտեղ ենք գտնում տուն, որ աշխատանք էլ գտնենք, հարմարվենք»: Տիկին Անահիտը վերջում նշեց, որ իրենք եկել են ընդամենը մեկ պայուսակով: Ովքեր մեքենա են ունեցել, կարողացել են որոշ իրեր հետները բերել, ոմանք էլ հարեւանի հույսին են մնացել: Կարողացել են ընդամենը մի քանի շոր կամ կարեւոր փաստաթուղթ վերցնել: **ՕՖԵԼՅԱ ՀՈԿՅԱՆՆԻՍՅԱՆ**

ԱՌՈՐՅԱ ԳՂՐՈՑԱԿԱՆ ԱՐՁԱԿՈՒՐԳՆԵՐ

«Ժողովուրդ» օրաթերթի տեղեկություններով՝ ԿԳՄՍ նախարարի հրամանի համաձայն՝ այս ուսումնական տարում 3-12-րդ դասարանների սովորողներին տրվում են արձակուրդներ հետեւյալ ժամանակացույցով՝ աշնանային՝ 2023 թվականի հոկտեմբերի 23-ից 29-ը ներառյալ, ձմեռային՝ 2023 թվականի դեկտեմբերի 25-ից 2024 թվականի հունվարի 7-ը ներառյալ, գարնանային՝ 2024 թվականի մարտի 25-ից 31-ը ներառյալ: Առաջին դասարանիցների աշնանային արձակուրդները տրվում են 2023 թվականի հոկտեմբերի 16-ից 29-ը ներառյալ, ձմեռայինը՝ 2023 թվականի դեկտեմբերի 25-ից 2024 թվականի հունվարի 21-ը ներառյալ, գարնանայինը՝ 2024 թվականի մարտի 18-ից 31-ը ներառյալ: Երկրորդ դասարանիցների աշնանային արձակուրդները տրվում են 2023 թվականի հոկտեմբերի 23-ից 29-ը ներառյալ, ձմեռայինը՝ 2023 թվականի դեկտեմբերի 25-ից 2024 թվականի հունվարի 21-ը ներառյալ եւ գարնանայինը՝ 2024 թվականի մարտի 25-ից 31-ը ներառյալ: ԿԳՄՍ նախարարությունն անհաղթահարելի ուժի առաջացման դեպքում (եղանակային եւ արբարենպաստ պայմաններ, սուր վարակիչ հիվանդությունների տարածում, տարերային աղետ եւ այլն) կարող է սահմանել լրացուցիչ արձակուրդ:



կատարելով փոփոխություններ ուսումնական պարապմունքների եւ սովորողների համար սահմանված արձակուրդների ժամանակացույցներում: Ինչպիսիք են՝ «Ժողովուրդ» օրաթերթը հիմնականում տարբեր անձանցից այն մասին, որ չեն կարողանում օգտվել մետրոյից: Պատճառն այն է, որ հատկապես առավոտյան ժամերին գնացքները գերծանրաբեռնված են լի-

տում, իսկ կայարաններում շատերը մնում են դրսում: «Ժողովուրդ» օրաթերթը դիմեց Մետրոպոլիտենի մամուլի խոսնակ Տաթևի հաշատրյանին՝ հասկանալու համար, թե որն է պատճառը: Ի պատասխան՝ նա նշեց. «Երեկվանից սկսած՝ գնացքների միջև միջակայքը եղել է վեց րոպե, ուղեւորահոսքը կրկնապատկվել է: Դա է պատճառը, որ մարդիկ դժվարությամբ են օգտվում մետրոպոլիտենից: Սակայն մենք պահպանում ենք նաև անվտանգության կանոնները, որը մեզ համար ավելի կարևոր է: Գրաֆիկի համաձայն՝ գնացքների միջև միջակայքը եղել է վեց րոպե»:

● Անցած 3 օրվա ընթացքում Հայաստանի Հանրապետությունում արձանագրվել է 52 ՃՏՊ. 5 մարդ զոհվել է, 69-ը՝ ստացել տարբեր աստիճանի մարմնական վնասվածքներ:

ՍՊՈՐՏ

ՄԵԿՆԱՐԿԵԼ Է ԲԱՅ ԱՌԱՋՆՈՒԹՅՈՒՆ

«Ժողովուրդ» օրաթերթի փոխանցմամբ՝ Երեւանում մեկնարկել է Երեւանի ժամանակի 5-րդ բաց առաջնությունը, որի բացման արարողությանը մասնակցել են ՀՀ կրթության, գիտության, մշակույթի եւ սպորտի նախարարի տեղակալ Կարեն Գիրյանը, Երեւանի ժամանակի ֆեդերացիայի նախագահ Մխիթար Հայրապետյանը, ֆեդերացիայի նախագահության անդամները:

Մրցաշարի աշխարհագրությունն այս տարի ընդլայնվել է. մասնակցում է ավելի քան 290 շախմատիստ, որից 71-ը՝ միջազգային կոչում ունեցող, այդ թվում՝ 23 միջազգային գրոսմայստեր 13 երկրից:

Թե՛ նախարարի տեղակալ Կարեն Գիրյանը, թե՛ Երեւանի շախմատի ֆեդերացիայի նախագահ Մխիթար Հայրապետյանը շեշտել են՝ չնայած նրան, որ Հայաստանը դժվար օրեր է ապրում, մեր երկիրը պատրաստ է ընդունել միջազգային մրցաշարերն ամենաբարձր մակարդակով:

«Հայաստանի համար այս շատ բարձր ժամանակաշրջանում նմանօրինակ միջազգային մրցաշարը նաեւ մեր երկիրը հանրահռչակելու առաքելություն ունի եւ ցույց տալու, որ, չնայած այսպիսի արհավիրքներին, մենք տոկուն ենք ու կարողանում ենք անգամ այս պահերին մաքառել, պայքարել եւ փաստել, որ Հայաստանը կա եւ լինելու է հավիտյան: Սպորտն աճ է գրանցում, երբ կան մրցաշարեր, ու փորձ է ձեռք բերվում հենց այսպիսի մրցաշարերի միջոցով: Միայն մարզվելով հնարավոր չէ չեմպիոն դառնալ, իսկ այսպիսի մրցաշարերն օգնում են մարզիկներին բարելավել իրենց վարպետությունը, դառնալ ավելի սառնասպիտ, վստահ եւ հետագայում գրավել ավելի լուրջ բարձունքներ»,- ընդգծել է Կարեն Գիրյանը:

Նշենք՝ մրցաշարի առաջին համարը միջազգային գրոսմայստեր Կարեն Գիրգորյանն է՝ 2643 վարկանիշով: Երկրորդ տեղում օրեր առաջ Շաղկաձորի մրցաշարում հաղթանակած Յնդկաստանի հավաքականի թեկնածու, միջազգային գրոսմայստեր Աբիմանյու Պուրանիկն է: Հայ շախմատիստների թվում են նաեւ Լեզբենյար Ռաֆայել Վահանյանը, Արցախից Հովհի Հայրապետյանը, Արթուր Դավթյանը, Հրայր Սիմոնյանն ու այլք:



9 տուր շարունակ մասնակիցները կայաքարեն 15 մլն դրամ մրցանակային ֆոնդի համար:

Հոկտեմբերի 3-ին՝ 5-րդ տուրի ավարտից հետո, կանցկացվի նաեւ ավանդական դարձած բլից մրցաշարը:

ՍՊՈՐՏ

ԱՄ-Ի ՈՒՂԵԳԻՐ

Հայաստանի սպորտային մարմնամարզության հավաքականի անդամ, օլիմպիական խաղերի բրոնզե մեդալակիր, աշխարհի ու Եվրոպայի չեմպիոն Արթուր Դավթյանը Փարիզում կայանալիք 2024 թվականի օլիմպիական խաղերի ուղեգիր է նվաճել. այդ մասին հայտնում են ԿԳՄՄՆ-ից:

Դավթյանը Բելգիայի Անտվերպեն քաղաքում մեկնարկած աշխարհի առաջնությունում օլիմպիական խաղերի անվանական ուղեգիր է նվաճել բազմամարտի արդյունքներով:

ՄԵՍՄԻՆ ՉԻ ՕԳՆԻ

Աշխարհի չեմպիոն Արգենտինայի հավաքականի եւ «Ինտեր Մայամիի» 36-ամյա հարձակվող Լիոնել Մեսին շարունակում է վերականգնվել վնասվածքից հետո եւ չի կարողանա օգնել ամերիկյան թիմին հաջորդ խաղում. հաղորդում է ESPN-ը: Արգենտինացի Խեռարդո Մարտինոյի գլխավորած թիմը ՄԼՍ-ի կանոնավոր առաջնությունում հոկտեմբերի 5-ին կմրցի «Չիկագո Ֆայրսի» հետ: Մեսիի վերադարձը խաղադաշտ սպասվում է հոկտեմբերի 8-ին «Ֆինքհլաստի» դեմ խաղում: Մեսին բաց է թողել երեք հանդիպում: «Ինտեր Մայամիում» անցկացրած 12 խաղում Մեսին խփել է 11 գոլ, կատարել 5 գոլային փոխանցում:

«ԲԱՐՍԵԼՈՆԱ»-Ի

ՄՏԱԳՐՈՒԹՅՈՒՆՆԵՐԸ

Իսպանիայի չեմպիոն «Բարսելոնան» ցանկանում է ձեռք բերել բրազիլական «Կորինտիանսի» 18-ամյա բրազիլացի հենակետային կիսապաշտպան Գաբրիել Մոսկարդոյին. հաղորդում է Diario Sport-ը: Կատալոնական ակումբի նորանշանակ մարզական տնօրեն Դեկուն արդեն բանակցում է «Կորինտիանսի» հետ: Հնարավոր է՝ տեղափոխությունը տեղի ունենա ձմեռային տրանսֆերային պատուհանի ժամանակ: Տրանսֆերի գումարը կարող է կազմել 30 միլիոն եվրո: Մոսկարդոն եւս ցանկանում է կարիերան շարունակել Եվրոպայում:

ԳՎԱՐԴԻՈՒՄՆԻ ԳԵՆԶԱՏԱԿԱՆԸ

Անգլիայի չեմպիոն, գավաթակիր, Չեմպիոնների լիգայի գավաթակիր, Եվրոպայի սուպերգավաթակիր «Մանչեսթեր Սիթի» կատալոնացի գլխավոր մարզիչ Խոսեպ Գվարդիոլան մեկնաբանել է երկու անընդմեջ պարտությունը: Անգլիական լիգայի գավաթի խաղարկությունում «Մանչեսթեր Սիթին» պարտվել էր «Նյուքասլ Յունայթեդին» (0:1), Անգլիայի Պրեմիեր լիգայում «Վուլվերհեմթոնին» (1:2): «Այդպես էլ է պատահում, երբեմն մենք էլ պարտություններ ենք կրում: Հիմա մենք պետք է հաղթահարենք այս փուլը: Շուտով կվերադառնան վնասվածքներից հետո վերականգնվող ֆուտբոլիստները»,- Գվարդիոլայի խոսքը մեջբերում է BBC-ն: Անգլիայի առաջնության 7 տուրից հետո «Մանչեսթեր Սիթին» 18 միավորով գլխավորում է մրցաշարային աղյուսակը: Հաջորդ տուրում մանչեսթերյան թիմը Լոնդոնում հոկտեմբերի 8-ին կիյուրընկալվի փոխչեմպիոն «Արսենալին»: Հոկտեմբերի 4-ին «Մանչեսթեր Սիթին» Չեմպիոնների լիգայի երկրորդ տուրում կմրցի գերմանական «Լայպցիգի» հետ:

ՀՐԱՊԱՐԱԿԱՅԻՆ ԾԱՆՈՒԹՅՈՒՆ

«Փլորես» Աճուրդի Տուն» ՍՊԸ-ն (այսուհետ՝ կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ: Աճուրդի ընթացքում վաճառվելու է «Երեւանի հաստոցաշինական արտադրական միավորում» ԲԲԸ-ին սեփականության իրավունքով պատկանող հետեյակ լուրջ՝

- ք. Երեւան, Շենգավիթ, Արշակունյաց պողոտա, 17 հասցեում գտնվող 0,02833 հա մակերեսով հողամաս: Լոտի մեկնարկային գինը՝ 22600000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 19.10.2023թ.-ին եւ 20.10.2023թ.-ին ժ.12:00-ին դասական եղանակով, այնուհետեւ յուրաքանչյուր աշխատանքային օր, Նույն վայրում, Նույն ժամին՝ հողատեղակայան եղանակով: Աճուրդի ավարտը՝ 29.12.2023թ.: Աճուրդի մասնակցության նախավճարը սահմանված է գույքի ընթացիկ մեկնարկային գնի 3%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Փլորես» ԱՏ ՍՊԸ-ի բանկային հաշվին («Ամերիաբանկ»)՝ ՓԲԸ-ում 1570005285290100 հաշվեհամարին), կամ կազմակերպիչի կողմից տրված այլ հաշվե-

համարին: Աճուրդին մասնակցելու համար անհրաժեշտ է ներկայացնել ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական («այսուհետ՝ աճուրդի վկայական»), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթը եւ աճուրդի վկայականը:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նա-

խավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանուցանալ լոտի հետ՝ այցելությունը նախապես համաձայնեցնելով Կազմակերպիչի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող են ծանոթանալ եւ անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 52-61-85 հեռախոսահամարով կամ այցելել www.flores.am, www.borsa.am կայքերը:

● Հոկտեմբերի 4-ին Սոս Սարգսյանի անվան Համազգային թատրոնում տեղի կունենա «Я, моя хандра, дорогая капочка и иные взгляды» ներկայացումը: Տոմսերի արժեքը՝ 1500 դրամ:



ՏՆՏԵՍԱԿԱՆ

ՀԱՐՑ. Ֆիզիկական անձը փոսային առաձեռն գնումներ է ադրանքներ, որոնց մասսային արժեքը կազմել է 250000 դրամ: Ի՞նչ չափով մասսային վճարներ դեֆ է անձը վճարի:
 Արտակ Դուկասյան (37 տարեկան)



ՊԱՏԱՍԽԱՆ. «Մաքսային կարգավորման մասին» ՀՀ օրենքի 249-րդ հոդվածի 4-րդ կետի համաձայն՝ Միության անդամ չհանդիսացող պետությունից ֆիզիկական անձանց կողմից միջազգային փոստային կամ սուրհանդակային առաքումներով ՀՀ տարածք ներմուծվող ապրանքների համար վճարվում են միասնական մաքսային վճարներ (բացառությամբ մաքսավճարի) 22.5 տոկոս, եթե մեկ ամսվա ընթացքում Հայաստանի Հանրապետություն ներմուծվող ապրանքների ընդհանուր քաշը չի գերազանցում 30 կիլոգրամը, իսկ մաքսային արժեքը գերազանցում է 200 հազար դրամը, սակայն չի գերազանցում 1000 եվրոյին համարժեք ՀՀ դրամը: Ընդ որում՝ սահմանված միասնական դրույքաչափերով մաքսային վճարները հաշվարկվում են ֆիզիկական անձանց կողմից ներմուծվող ապրանքների մաքսային արժեքի եւ սույն մասի 1-ին կետով սահմանված մաքսային արժեքի (200 հազար դրամ) դրական տարբերության նկատմամբ:

ՀՀ պետական եկամուտների կոմիտե

«ԺՈՂՎՈՒՐԳ». Միության մաքսային սահմանով ներմուծվող ապրանքների մաքսային արժեքը որոշվում է՝ «Մաքսային միության մաքսային սահմանով տեղափոխվող ապրանքների մաքսային արժեքը որոշելու մասին» 2008 թվականի հունվարի 25-ի համաձայնագրին համապատասխան, եւ Մաքսային միության մաքսային օրենսգրքի 183-րդ հոդվածի համաձայն՝ մաքսային հայտարարագիր ներկայացնելուն զուգահեռ՝ մաքսային մարմին են ներկայացվում փաստաթղթեր, որոնց հիման վրա լրացվել է մաքսային հայտարարագիրը, այդ թվում՝ ապրանքների հայտարարագրված մաքսային արժեքը եւ ապրանքների մաքսային արժեքի սահմանման ընտրված մեթոդը հաստատող փաստաթղթերը:

ՄՇԱԿՈՒՅՐ

ՀԱՐՑ. Ի՞նչ կարգով է իրականացվում մշակութային արժեքների ժամանակավոր ներմուծումը:
 Աննա Արզումանյան (31 տարեկան)



ՊԱՏԱՍԽԱՆ. Մշակութային արժեքների ժամանակավոր ներմուծումն իրականացվում է՝ ՀՀ կառավարության 2007 թ. հունիսի 1-ի N 827-Ն որոշման պահանջների համաձայն: Մշակութային արժեքներ ժամանակավոր ներմուծելիս հայտատուն մաքսային մարմին պետք է ներկայացնի հայտարարագիր, մշակութային արժեքներն ու դրանց լուսանկարները /3 օրինակ/:

ՀՀ ԿԳՄՆ

«ԺՈՂՎՈՒՐԳ». Մաքսային մարմնում համապատասխան ընթացակարգով ձեւակերպվում է մշակութային արժեքների ժամանակավոր ներմուծումը «ժամանակավոր ներմուծում» մաքսային ռեժիմով:

ԼՈՒՐ ԿԱԴՐ

Լուսանկարը՝ համացանցից



Ավստրալիայի հայերը երկրի տարբեր ծայրերից մեկնել են Կանբերա՝ խոսելու շարունակվող հումանիտար ճգնաժամի մասին այն բանից հետո, երբ ավելի քան հարյուր հազար հայեր ստիպված են եղել լքել Լեռնային Ղարաբաղը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+ 4 + 8 +12 + 17	☾	Արարատ	+12 + 15 +24 + 27
☾	Կոտայքի լեռներ	+ 5 + 7 +15 + 19	☾	Արմավիր	+9 + 12 +25 + 27
☾	Կոտայքի նախալեռներ	+11 + 12 +21 + 24	☾	Վայոց ձորի լեռներ	+ 6 + 9 +11 + 13
☾	Գեղարքունիք	+ 4 + 9 +15 + 19	☾	Վայոց ձորի նախալեռներ	+12 + 15 +20 + 22
☾	Լոռի	+ 5 + 10 +14 + 19	☾	Սյունիքի հովիտներ	+13 + 16 +21 + 24
☾	Տավուշ	+ 8 + 13 +16 + 21	☾	Սյունիքի նախալեռներ	+ 7 + 10 +15 + 17
☾	Արագածոտնի լեռներ	+ 4 + 7 +14 + 18	☾	ԼՂՀ	+11 + 15 +22 + 25
☾	Արագածոտնի նախալեռներ	+10 + 13 +15 + 19	☾	Երեւան	+12 + 15 +20 + 22

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 2.10.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: